



UNIVERSITÄTS-
BIBLIOTHEK
PADERBORN

**Poesis Sacra Sive Vitae, Mortis, Et Resurrectionis
Salvatoris Nostri Jesu Christi Historia**

Hermanni, Joachim Heinrich von

Hildesii, 1743

VD18 10904743

2dò. Ejusdem resurrectio.

[urn:nbn:de:hbz:466:1-68828](https://nbn-resolving.org/urn:nbn:de:hbz:466:1-68828)

Ac æternorum possessio plena bonorum!
 Ite Patres, longos jussi sperare per annos;
 Ite bonis fruitum Cœlestibus; ite salute
 Perpetuâ saturi, quam vobis nulla deinceps
 Eripiet Stygii Colubri versutia: nostrî,
 Qui sumus innumeris, hoc donec in Orbe vagamur
 Casibus expositi, memores estote, rogamus!

POESEOS SACRÆ ET PARTIS QUINTÆ
 INDUCTIO SECUNDA.

S. LUCAS CAP. 24.

Unâ autem Sabbati, valde diluculò venerunt ad monumen-
 tum, portantes quæ paraverant aromata: & invenerunt
 lapidem revolutum à monumento. Et ingressæ non invene-
 runt corpus Domini Jesu. Et factum est, dum mente conster-
 natæ essent de isto, ecce duo viri steterunt secus illas in
 veste fulgenti. Cùm timerent autem, & declinarent vultum
 in terram, dixerunt ad illas: Quid quæritis? viventem cum
 mortuis? non est hic, sed surrexit &c.

SYNOPSIS.

*Dominus & Salvator noster Jesus Christus, triduo post passio-
 nem suam nondum elapso, à mortuis quàm gloriosissimè
 resurgit; hujusque inauditi miraculi certissima per aliquot ap-
 paritiones documenta, ipsorumque vigilum relationem, in maxi-
 mam Judaorum confusionem manifestat.*

Post Christi mortem, nondum fax tertia plenam
 Reddiderat Mundo lucem, rebusque colorem;
 Ecce pavementum cryptæ fundusque sepulchri ^{Matt.}
 Incipiunt trepidare; sacris penetralia fulgent ^{28. 2.}
 Lucis inassuetæ radiis: speciosus amœno
 Egreditur sponsus thalamo; latus omne ministris
 Cingitur Angelicis. Vigiles terrore repleti
 Aspiciunt facti seriem, & statione relictâ
 Turpiter aufugiunt. Cum Christo læta resurgit
 Albescitque dies; quando venerabile corpus

Am-

Luc. Amplius uncturæ veniunt tres, balsama magni
 24. 4. Portantes pretii, Solymæa ex urbe Mariæ:
 Quis nobis lapidem, consultant inter eundum,
 Marc. Ponderis immensi, removebit ab ore sepulchri?
 16. 3. Accedunt propius; lapidis quoque mole remota
 Inspiciunt vacuum sublato corpore cryptam;
 Esse tamen multâ cumulata luce tuentur.
 Ad caput atque pedes residet par nobile Cæli
 Aligerûm, niveâ cooperti sindone: fulgor
 Ibat ab intuitu. Matres terrore repulsæ
 Tristes avertunt oculos; sed Magdalis unâ
 Absentem Dominum quærit lacrymosa; gementes
 Angelus alloquitur: Nolite pavescere, dicens;
 Nam scio, quod Iesum crucifixum quæritis; atque
 Ipse resurrexit, sicut prædixerat antè:
 Ecce recessus; ubi corpus requievit Iesu!
 Nunc Hierosolymam, magnalia visa relatum,
 Currite lætantes, ubi significabitis ejus
 Discipulis, Dominum jam surrexisse sepulchro.
 Ast lugens oculos circumfert Magdalis inter
 Florigeras horti frondes; aliquidque moveri
 Cernens, aggreditur visu propiore, quid illud
 Aspectu dubium referat: sociata, putabat
 Esse, cui Ioseph hortum concedidit: urget
 Joan. Ergo rogans: Bone vir, si tu subduxeris horto
 20. 15. Illatum nuper crucifixi corpus, amabò
 Hæc fateare mihi; tollam promptissima raptum.
 Vix ea dicta; videt coopertum lumine Christum
 In vivis astare sibi, gavisâque valde,
 Rabboni, * ait, permitte, pedes ut læta recumbens
 Osculer: at cœptis recubantem Christus amico
 Arcuit alloquio. Sociæ tam mira videntes

Acce-

* 2da brev. Ricciol.

Accedunt propiùs; tentant pia basia nuper
 Transfixis pedibus, manibusque inferre; rogantes
 Admittit tandem, prostratæ Numen adorent.
 Sufficit, ite meæ, dicit Salvator, amicæ
 Nunc Hierosolymam; lugentibus omnia, coràm
 Quæ modò vidistis, narrate sodalibus: ite
 Deposito terrore; moras abrumpite. Jussæ,
 Discipulis, primùmque Petro, sociòque Ioanni ^{Joan.}
 Hæc bona notificant, cùm mox veloce Ioannes ^{20.}
 Antevenit Petrum cursu; sed præpete gressu
 Subsequitur Petrus; properant conamine magno
 Spectatum pariter redivivum corpus Iesu.
 Ingreditur cryptam Petrus; sudaria lustrat
 In sese revoluta, videt quoque Nicaodemi
 Nuper aromatibus velamina tincta: Ioannes
 Post Petrum introiit: sed Christi corpus ademptum
 Discipulos cogit solito mœrore reverti.
 Non subit ulla meam veri dubitatio mentem,
 Quin læto Christi Genitrix hæc nuntia corde
 Audierit; quamvis multâ ratione coactus
 Crediderim, quòd prima Dei redeuntis ab Orco
 Lux apparuerit Matri: licèt omnia fido,
 Sicuti consuevit semper, memoriq; tacenda (dens
 Corde recondiderit. scio, quòd crucis arbore pen-
 Christus, & in medio mortis lætamine, Matrem,
 Quantumvis post tres soles rediturus abiret,
 Curandam dederit linguâ moriente Ioanni:
 Nec magis à nostris abstrusum sensibus esse,
 Quòd ceu verus homo, de cuius sanguine carnem
 Sumpserat, inprimis dilexerit: hincque resurgens
 Præ reliquis tristem primò recreare parentem
 Decrevit. Nec facta fidem superantia canto,
 Si reor, ad Matrem pariter retulisse, quòd omnes

Ex

Ex Limbo Patres Matrêsq; reduxerit; inter
 Quos primus fuerit Ioachim præclarus, & Anna
 Nobilis, ex quorum (reliquos hîc transeo) Mater
 Stemmate descendit. Certè mihi nemo negabit
 Hæc quòd Virgineam Matrêm prænuntia miro
 Post tantos gemitus sint consolata favore,
 Sufficiant hæc; Musa tuum converte cothurnum
 Ocyùs ad reliquos, narrando sedula, casus,
 Expulsi vigiles lucis fulgore, relatum
 Appropriant Scribis, portentâque visâ recensent,
 Hi stupuère; monent factum reticere; benignos
 Se fore, promittunt, & divite munere largos:
 Nec minùs, ut Præses Romanus fidat eisdem,
 Se curaturos. Vigiles se turpiter auro
 Corrupti faciunt; admittunt munera; spargunt
 Ex jussu pravo Synagogæ, corpus ademptum,
 Séque soporatis ablatum; jure vereri,
 Discipulos patrâsse scelus. Quæ fabula gentem
 Duxit in assensum, quamvis temeraria falsi
 Mater: & hinc turpi sublatum crimine Christi
 Corpus, ad extremos extendit fama nepotes,
 Usque adeò, ut, quicunq; probant contraria, dicant
 Delirare nimis; vigilum commenta secuti.
 Hi quoque tot vicibus coràm Prætorè citati
 Intrepidè repetunt mendacia; vulgus inhæret
 Mordicus assuetis, ridens miracula. Præses
 Ethnicus attonitâ, dubio quandoque suborto,
 Pellit mente fidem: pensat, si congrua vero,
 Quæ vaga de Christo redivivo fama reportat,
 Consultum potius, primo sub murmure, facti
 Extenuare fidem: vigiles sua falsa probabunt.
 Me quod spectat, ait, credo conclusa Senatûs
 Impositura mihi quàm plurima scommata; nullis

Matt.
 28.11

Iratus dicet, servato juris & æqui
 Ordine, confessum nunquam, minimèque reatûs
 Convictum, tenuis Synagogæ ad jurgia, Christum
 Condemnâsse, pudor Romanis! legibus uti
 Scimus; & immemorem legum tolerare studemus!
 Hæc ità, mi Ponti, nullâ virtute propheta!
 Res, ut dixisti, Romæ successit; & inde
 Ad Rhodanum missus, mersisti colla profundo.
 Tiberius Christum, quem Romam lata frequenter
 Signa celebrabant, numero sociare Deorum
 Velle ferebatur, nisi tali morte fuisset
 Ereptus vivis: melior sententia, Christo
 Inter falsorum poni simulaera Deorum
 Displicuisse. Tamen quoadusque Tiberius Orbem
 Rexit, Discipulis favit, nullique nocebat,
 Qui tanto Vati meritos tribuebat honores.
 Illa profana nimis faciamus missa, relictam
 Nunc Solymam repetamus; ibi turbatio regnat:
 Discipuli gaudent, consolatique decorâ
 Laude Redemptori redivivo carmina dicunt;
 Sed Synagoga sacro nondum satiata cruore,
 Fulminat atque furit, cupiens refecare securi (ret,
 Non modò Discipulos Christi, sed quidquid adhæ-
 Et bene de Domino loquitur: licet atra scelestam
 Criminis infimulet, faciâtque pavescere, culpa,
 Dixerat in vivis, & post sua funera Christus,
 Velle reassumpto redivivum corpore sese
 In Galilæorum fines regnûmque reverti:
 Per terras graditur redivivi rumor Hebræas;
 Præsertim volitat Galilæa per oppida fama,
 Perque Tiberiadis fines, ubi multa, priusquàm
 Ascendit Solymam Christus, miracula fecit.
 Hinc quicumque gravi morbo, sævòque malorum

S

Spi-

Spirituum raptu conturbabantur, ovabant,
 Affore, qui pressos certo medicamine salvet,
 E contrâ furto sublatum corpus, ubique
 Spargitur in populum: sic famam fama refellit
 Turpia Tartareus juvit mendacia lurco,
 Falsorúmque pater tenebras obducere Soli
 Nititur; applaudunt stupidâ feritate maligni
 Discipuli coeunt consultum, quando reverti
 In Galilæorum fines videatur? anhelat
 Una, cupitque Deum citiùs revidere; resistit
 Altera pars placitis; ducti ratione probatâ,
 Si placeat Domino, brevibus mandata daturum
 Hoc, ut sperârant, evenit; namque Redemptor
 Fratribus apprensus Solymæ, concedere iussis
 In Galilæorum fines, ibi rursus eisdem
 Conspicuum sese præsens ostendit, eosque
 Edocuit verbis: mandavit denique, Cælos
 Mox ascensurus, Solymæ subsistere, donec
 Promisso Patris Cœlesti munere, robur
 Ad confundendum reprobos, virésque dedisset
 Discipuli Solymis vivunt, quasi carcere clausi
 Nemo foràs ibat, qui non per scommata læsus
 Sed tamen afflatu Domini munitus, abiret,
 Suspicionem regor, quòd Matrem Filius omni
 Illucente die Solymæ convenerit. Ibat
 Spiritui similis, prævertens fulmina cursu,
 Per Mare, per terras, per magna palatia Cœli,
 Una voluntatis, Cœlesti sede receptis
 Hos motus agiles animabus, motio causat,
 Sunt immortales; penetrant obstantia; Solis
 Stellarúmque faces superant fulgore Beati.
 Efficimur Christo similes his dotibus omnes,
 Qui vitis morimur peccati lege soluti.

Ofors assiduis coëmenda laboribus ! ecce
 Prostat venalis ; Christus mercator eandem
 Exiguo vendit pretio , licèt ipse cruentæ
 Supplicio mortis priùs acquisiverit illam.
 Currite , qui cupitis lucrari magna ! repandit
 Christus in amplexum sua brachia : currite ! nullum
 Hoc commune forum placitis accessibus arcet.
 Hanc fortem gemitu contriti cordis ememus :
 Hanc emet , offensam qui condonaverit ultrò ;
 Hæc emitur veræ fidei pietate , speique
 Viribus , & solido Domini patientis amore.
 Hoc constat pretio regnum Cœleste ; beati,
 Qui capiunt hæc verba , suo superantia sensu
 Omnia Doctorem veterum problemata ! Christus
 Hæc docet , excelsi Patris Sapientia ; Christus
 Hæc crucis ex cathedrâ linguâ titubante perorat ;
 Ex tumulo Christus prostratâ morte resurgens,
 Hæc asserta jubet per totum spargere Mundum.
 Nunquam , conductus seu mercenarius offert,
 Ut Christus , propriam (res est notissima) vitam,
 Ut , ne dejiciat sepem , jugulétque luporum
 Turba ferox agnos , fartum tueatur ovile.

**POESEOS SACRÆ ET PARTIS QUINTÆ
 INDUCTIO TERTIA.**

S. LUCAS CAP. 24.

Duo ex illis ibant in castellum , quod erat in spatio sta-
 diorum sexaginta ab Jerusalem , nomine Emmaus ; &
 ipsi loquebantur ad invicem de his omnibus , quæ acciderant.
 Et factum est , dum fabularentur , & secum quærerent ; &
 ipse Jesus appropinquans ibat cum illis : oculi autem illorum
 tenebantur , nè eum agnoscerent. Et ait ad illos : Qui sunt
 hi sermones , quos confertis ad invicem ambulantes , & estis
 tristes ? Et respondens unus , cui nomen Cleophas , dixit ei :
 Tu